

I

Իմ եղբայրները օտարութեան մէջ  
Ինձ ասում էին, — կարօտ ենք, երգիչ,  
Մեր հայրենիքի երգիցն ասա.

Քո երգից նորա  
Մայրական զըւարթ  
Հողի ու ջրի  
Եւ մեր հարազատ  
Հայ ժողովրդի  
Համն ու հոտն առնենք,  
Որ մխիթարենք:

Սիրտս լցեցաւ, և հառաչեցի...  
Նրանք էլ ինձ հետ սաստիկ ցաւալի  
Աղաղակելով արտասւում էին.

Եւ հոսում էին  
Արտասուքները  
Տխուր աչքերից,  
Եւ մեր ձայները  
Մի ծանօթ կսկիծ  
Ուժեղացնում էր  
Եւ միացնում էր:

Եւ, տխրութեան մէջ կամ թէ խնջոյքի,  
Օտար աշխարհում,  
Մենք այսպէս էինք մեր հայրենիքի  
Երգերը երգում:

## II

Լսում ես դու էլ, թէ ինչ են խօսում  
 Մեր մասին ամբողջ ամառանոցում:  
 Աչքների տակից, տեսնում ես, ինչպէս  
 Մածուկ նայելով հետեւում են մեզ,  
 Մեր ամեն խօսքին ականջ են դնում  
 Եւ կասկածաւոր աչքով են անում...  
 Մեզանից յետոյ էլ մէկը միւսին  
 Գ'ասեն—յիշում էք դուք այն երկուսին,  
 Աղգական չէին, ոչ քոյր ու եղբայր,  
 Ման էին գալիս անրնկեր, անմայր...  
 Եւ գիշերները այս ծառերի տակ  
 Երգ էին ասում ձայնով ներդաշնակ,  
 Եւ նրանց երգը զգացմունքով լի,  
 Որ կախարդանք էր գիշերին տալի,  
 Որ ծաւալում էր այնքան հեշտալուր,  
 Լցւած սրտերի զեղմունք էր մաքուր.  
 Նկատում էիք, անտառի մթին  
 Սուերում երգը ընդհատում էին.  
 Այն լուսթիւնը հասկանում էիք...  
 Մտարերում էք դէմքը գեղեցիկ  
 Վայելահասակ այն աղջկանը.  
 Երբ երիտասարդ օտարականը  
 Ազաւ աչքերը վրան յառում էր  
 Իսկոյն շինելով նա խոնարհում էր  
 Սիրուն զլուխը և ձեռքին բռնած  
 Մազ'ափնջին էր նայում շփոթւած...  
 Ուրախ հնչիւնը նորա ծիծաղի,  
 Որ տարածում էր այնքան դիւրալի  
 Այս ամայացած, խուլ շրջակայքում,  
 Եւ սուր ճիւղերով սրտերը ծակում...

Յիշում էք արդեօք  
 Այն ախտաբորբոք,  
 Միշտ զւարթ զոյգին.  
 Սիրահար էին...